

vezi sa članom 66. stav 2. Zakona o organizaciji organa uprave u Federaciji Bosne i Hercegovine, Ministarstvo privrede donosi

PRAVILNIK

O IZMJENAMA I DOPUNAMA PRAVILNIKA O RIBOLOVNIM PODRUČJIMA I GRANICAMA RIBOLOVNIH VODA NA PODRUČJU KANTONA

SARAJEVO

Član 1.

U Pravilniku o ribolovnim područjima i granicama ribolovnih voda na području Kantona Sarajevo ("Službene novine Kantona Sarajevo", broj 24/05) u članu 2. tačka 3. alineja 6. mijenja se u cjelosti i glasi: "Rakovački potok od izvora do ušća u rijeku Zujevinu".

Član 2.

U članu 2. tačka 4. alineja 1. iza riječi "Bosnu" briše se riječi: "kod Bojnika".

U članu 2. tačka 4. dodaju se nove alineje 4. i 5. koje glase:

- "Rijeka Dobrinja, od granice sa Entitetom do granice Općina Novi grad-Ilidža,
- Nahorevski potok od izvora do ušća u rijeku Miljacku,".

Član 3.

Ove izmjene pravilnika stupaju na snagu danom objavljivanja u "Službenim novinama Kantona Sarajevo".

Broj 07-06-24-20978-1

14. decembar 2005. godine
Sarajevo

Ministar
mr. Abid Šarić, s. r.

OPĆINA STARI GRAD

Općinsko vijeće

Na osnovu člana 10. tačka 7. i člana 25. tačka 2. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), a u skladu sa odredbama Zakona o preuzimanju, izmjenama i dopunama Zakona o zakupu poslovnih zgrada i prostorija ("Službene novine Kantona Sarajevo", broj 14/97) Općinsko vijeće Stari Grad Sarajevo, na sjednici održanoj 23. novembra 2005. godine, donijelo je

ODLUKU

O IZMJENAMA I DOPUNAMA ODLUKE O DODJELI NA KORIŠTENJE POSLOVNIH PROSTORA I VISINI I NAČINU PLAĆANJA ZAKUPNINE ZA POSLOVNE PROSTORE NA KOJIMA PRAVO RASPOLAGANJA IMA OPĆINA STARI GRAD SARAJEVO

Član 1.

U Odluci o dodjeli na korištenje poslovnih prostora i visini i načinu plaćanja zakupnine za poslovne prostore na kojima pravo raspolaganja ima Općina Stari Grad Sarajevo ("Službene novine Kantona Sarajevo", broj 21/05) u članu 6. u stavu 1. na kraju se dodaje nova alineja koja glasi: "udruženja od posebnog interesa za Općinu".

Član 2.

U članu 8. iza stava 1. dodaje se novi stav 2. koji glasi: "Pravo učestvovanja na javnom oglasu za dodjelu u zakup poslovnih prostora imaju pravna i fizička lica, a na izdvojenom javnom oglasu i pravna lica čiji su vlasnici članovi porodica šehida i poginulih boraca, ratni vojni invalidi odbrambenog rata i demobilisani borci Armije BiH i MUP-a".

Član 3.

U članu 9. u stavu 1. riječ "glasi" se briše i stavlja se riječ "sadrži".

U istom članu u stavu 1. briše se alineja 5.

Dosadašnje alineje 6., 7., 8., 9., 10., 11., 12., 13., 14., 15. postaju alineje 5., 6., 7., 8., 9., 10., 11., 12., 13., 14.

U istom članu, stav 2. iza riječi: "u roku od" broj "8" se briše i umjesto njega treba da piše broj "15".

Član 4.

U članu 11. u stavu 1. iza tačke c. dodaje se nova tačka d. koja glasi: "d. privredna društva čiji su vlasnici lica iz tački a. b. i c.".

Član 5.

U članu 18. stav 1. alineja 4. iza riječi "ili" dodaju se riječi: "sa suvlasnikom" nakon čega se stavlja zarez.

U istom članu, stavu i alineji, na kraju rečenice se briše tačka i dodaju riječi: "pod uslovom da je zakupnina u cjelosti izmirena, a uz prethodnu saglasnost članova porodičnog domaćinstva".

U istom članu, stav 1. alineja 5. iza riječi "penziju" dodaju se riječi: "ili suvlasniku, radniku koji je u radnom odnosu preko tri godine sa dosadašnjim zakupcem, sa obavezom nastavljanja djelatnosti zakupca, pod uslovom da je zakupnina u cjelosti izmirena, a uz prethodnu saglasnost članova porodičnog domaćinstva".

U istom članu iza alineje 6. dodaje se nova alineja 7. koja glasi: "zakupcima koji moraju napustiti općinski poslovni prostor na osnovu rješenja donesenog u sudskom postupku, a na štetu Općine."

Član 6.

U članu 24. stav 2. iza riječi "RVI" briše se veznik "i" i stavlja zarez, a iza riječi: "i isti koriste" briše se zarez i piše: "i pravna lica čiji su vlasnici članovi porodica koja pripadaju naprijed navedenim kategorijama lica".

Član 7.

U članu 29. u stavu 3. na kraju se dodaje novi tekst koji glasi: "Garancija se može ostvariti i plaćanjem pologa na račun Općine u visini tri mjesecne zakupnine".

U istom članu stav 7. se mijenja i glasi: "Odredbe stava 3. ovog člana primjenjivat će se za buduće zakupce poslovnih prostora".

Član 8.

U članu 31. stav 2. iza riječi: "izvorni vlasnici poslovne prostorije" briše se tačka i dodaju riječi: "i vjerske zajednice".

Član 9.

U članu 33. stav 1. iza riječi: "prije isteka istog" briše se tačka i rečenica iza tačke, a umjesto tačke stavlja se zarez i piše: "pod uslovom da zakupac redovno izmiruje mjesečnu zakupninu i prostor koristi u skladu sa ugovorom".

U istom članu stav 2. iza riječi: "visina ulaganja" briše se dio teksta koji glasi: "i preuzetim obavezama ranijeg zakupca, što uključuje izmirenje duga zakupnine" dok ostali dio teksta ostaje isti.

Član 10.

U članu 39. stav 2. se mijenja i glasi: "Ukoliko zakupac ne pristane na zaključenje ugovora o zakupu smatraće se bespravnim korisnikom istog, a ispražnjenje poslovnog prostora će se izvršiti u skladu sa članom 12. Zakona o zakupu poslovnih zgrada i prostorija ("Službeni list SRBiH"; broj 33/77), putem nadležnog općinskog organa".

Član 11.

Ova Odluka stupa na snagu danom objavljivanja u "Službenim novinama Kantona Sarajevo".

